

雲 史 最 近 照



江山萬里樓詩鈔十三卷錄目

悼亡詩

題降神記後

除夕遣悲

贈陳笑笑校書

丙寅入日漢上題襟和張亞農陳

漢元諸君子

正月豐祚貞祚兩兒南歸就學悲

感

上元夕畫梅花呈 吳公并題

笑笑請畫紅梅屏幃春雨徹夜爲

繪四幅兼題八絕句

新新我友項子所春也攜以見過

向余索詩爲綴二絕

黃鶴樓修禊

春江送別

折柳曲

躑躅詞

無題

三月半阿笑席上有感

春夜宴諸將於小迷樓聞河北諸

軍轉戰已克京師

清夏休沐日小飲贈阿笑

雜詩四首

沉醉

留別笑笑

濱行笑笑再索畫梅爲題四絕

九月十二之夕自漢脫險東歸諸

友餞飲於江樓阿笑夜半至登

舟相送默然而已紀此爲別

招魂詞

江路載骨東歸哭懷夫人

八月二十八夕作去歲今夕懷夫

人永訣唁我之期是日除婦服

九月十七還家清月相照秋花在

庭哭霞客於花木房櫺

還家哀祭懷夫人

九月十二諸友攜酒伎錢我於江

樓卽席留慰阿美

惆悵詞

過黃州

徐州早發

月夜發徐州

早行

鄭州柳

初至鄭州

書謝許侯諸君

題笑笑照片

自題五十二歲照片簡午詒

鄭州軍次書憤

江頭見雁見燕時武昌圍城急將

陷夏口隔江時望見之

鄭州

鄭州贈黃參議

鄭州贈楊髮堪

王子喬昇仙臺

送人之潼關

黑石關

長平公主曲 并序

乙丑冬。既編詩付刊。至今冬時逾一年。尚未成書。而一年中新詩。頗多來書抄閱者。遂輯爲十三卷。一併付印。去冬至今。兵馬窮年。國事翻覆。從軍嘆逝。人事彌苦。遂多生死別離之作。是有嗶嗶激越之音。無足觀也已。

丙寅冬至雲史識於鄭州軍次

江山萬里樓詩鈔卷十三

乙丑丙寅之作曰強年集

江東楊 圻

悼亡詩

霞客夫人於三月來岳陽視余疾八月染疫晦日卒
殮畢余卽從吳公起義軍江漢戎馬之間悼痛彌甚
私謚曰懷夫人撰謚妻記

樓船江下氣如雲。永訣聲淒不忍聞。戎馬書生真薄倖。蓋棺
明日便從軍。七省聯盟擁戴吳公再起夫人晦日卒九月初
二大殮初三余從吳公行蓋棺而別殆非入境
好春過盡又中秋。百日纏綿悔遠遊。從此瀟湘好煙月。一生
腸斷岳州樓。

頻年慚愧說匡時。入洛吳兒鬢有絲。一自從軍登廣武。步兵不解說相思。

門外湘江白露寒。夜涼相喚怯衣單。可堪萬古團圓月。今世今年未次看。中秋尚同玩月

客中幽恨在眉端。話到歸帆更不歡。秋水一江送船去。望夫思子兩全難。兩兒南歸夫人初計同去濱行不忍別余去乃止兒行又思子遂及於疫

赤壁江深山月高。義旗東下水蕭蕭。誰憐九月初三夜。死別生離第一宵。

岳陽回首不勝哀。繡柱珠簾踏浪開。同病有誰走相送。洞庭孤雁一聲來。

相逢父子語翻稀。滿地烽煙歸不歸。阿父而今權代母。霜前

雪。後。喚。添。衣。

十月朔始迎殯至漢臯江路戒嚴未能歸也

故園客舍兩依依。要看旗開得勝歸。今日江淮齊醉舞。仲宣清淚滿征衣。

日夫入垂危尚問何日起義師答以初三嘆我不及見矣今徐海皆下而夫人已卒

洞庭波浪接荆關。玉匣招魂載骨還。省識愁眉含淚眼。一江秋水浸君山。

豈有秦嘉賦悼亡。漫云荀令已神傷。求凰絕調休重理。此曲聞之我斷腸。

題降神記後

乙丑十二月初七日懷夫人降神于上海小慈航乩壇。自言前身今得佛祖提度。賜名烟霞舊客。今往落伽左山古洞靜修。三六後可證正果。并再三謝我情。

重。且。勉。慰。殷。殷。唏。噓。不。已。凡。數。千。言。余。爲。作。降。神。記。
紀。其。事。既。訖。把。卷。三。復。如。觀。音。容。終。日。悲。嘆。不。忍。釋。
手。默。念。落。伽。山。乃。在。人。間。今。既。得。其。蹤。跡。將。以。明。年。
渡。海。尋。之。於。千。巖。萬。壑。之。中。冀。或。有。所。遇。未。可。知。也。
因。賦。詩。爲。約。

鴻都仙客術通神。夜醮空堂月半輪。燈燭有光帷帳寂。得無遙見李夫人。

萬語千言慰我心。安貧守道是知音。平生規勸尋常事。一字今朝抵萬金。

中年偕隱罷聽珂。荆布相從奈亂何。十四年來天下事。功名兩字負君多。

營齋營奠羽書忙。百日煎熬鬢已蒼。何得俸錢過十萬。自傷風雪典衣裳。

來時不易別時難。保重叮嚀佛也酸。差幸死生通一點。共知人鬼兩平安。

勸言此別莫悲傷。見性明心得久長。今日相形慚見拙。薰香荀令是皮囊。

廿年盟誓兩心知。慚愧年年枉費辭。不願長生不怕死。只須同盡莫參差。

一聲去也兩心酸。臨別殷勤見肺肝。夜半送君南渡去。一身風雪步虛寒。

從今踪跡隔仙寰。此別音容去不還。我欲相從迷處所。一聲

清磬落伽山。

彩鸞一去隨簫史。可許他年眷屬情。長與君身伴仙骨。海山深處洞天清。

落伽猶自在。人間萬壑千巖閉。翠鬟他日刺船滄海上。爲君踏遍望夫山。

除夕遣悲

東蜀船山是我師。平生風調在深閨。而今輸與才人福。但祭梅花不祭詩。

贈陳美美校書丙寅正月

美美越之諸暨人。深情玉貌接之溫溫。自言所遇艱苦再墮平康。緬訴身世令我意消。丙

寅客漢皋軍次上元之夕張飲酒樓坐客逾
百人羣繩其美乃召之來他日向余求詩爲
賦四絕

苧蘿山下水流花。郎愛從軍妾浣紗。君問前身歌舞地。館娃
臺殿是儂家。

五銖衣薄試東風。樓館飛驚舞袖紅。艷色如卿猶未嫁。三千
粉黛入吳宮。

自言不解說相思。今日逢君怨見遲。生長苧蘿山色裏。還從
蘇小問西施。

皓齒明眸怨未休。共憐身世不勝愁。獨眠人睡無消息。一夜
春風吹畫樓。

丙寅人日漢上題襟和張亞農陳漢元諸君子

相逢戎馬裏。佳節意如何。海內詩人少。將軍揖客多。萬方聞涕淚。一氣熄干戈。昨夜吟成後。前軍已渡河。

河北諸州郡。烽烟驚上春。樽前江海客。衣上洛陽塵。舟楫連天末。鶯花近逐臣。異鄉思弟妹。未暇爲他人。

諸君把酒向風塵。勝日題詩漢水濱。莫笑西川高節度。擁兵顧盼亦詩人。

新年旁午捷書多。昨夜中原萬馬過。第一登樓先北顧。東風吹語渡黃河。

正月豐祚貞祚兩兒南歸就學悲感

大江夜流急。風雪送歸人。憐爾今無母。嗟余多病身。獨留成大

久客此去太傷神。况復干戈際。登樓見遠春。

上元夕畫梅花一幅呈 吳公并題

得意春風動地來。上元清月近蓬萊。天公着意留韶景。尚有最高枝未開。

南枝開後北枝香。有脚陽春被八荒。看到英雄真事業。狀元宰相太尋常。

笑笑請畫紅梅屏幃。春雨徹夜爲繪四幅兼題八絕

句

雲護屏山吹雨絲。玉人相並弄胭脂。江郎彩筆狂猶昔。畫了長眉畫折枝。

折得寒香煙滿湖。孤山蘇小伴林逋。羊羔兒酒銷金帳。抵得

清。狂。小。宋。無。

迷香洞裏春如海。猩色屏前見綠華。看慣上陽高格調。一生悲喜爲梅花。

王恭步雪儘風流。姑射仙人下十洲。昨夜春寒眠不得。自披鶴氅擁貂裘。

太虛詩骨似冰清。雨雪春燈憶玉京。蠟炬兩行歸院去。衣香花氣不分明。

睡醒羅浮三兩枝。看花最好未開時。總教堪折不須折。留與東風好護持。

春來心事惜芳菲。花滿江城酒滿衣。一自新詩傳萬口。家家紅粉說楊妃。

湖海元龍萬里身。掉頭四顧出風塵。近來英氣消磨盡。只畫梅花贈美人。

新新我友項子所眷也。攜以見過。向余索詩爲綴。二絕贈之。

明眸粲粲搃紅綃。雲母屏前翠袖飄。一曲清歌花雨裏。項王霸氣爲卿消。
酒光花氣夜氤氲。欲向樽前索紫雲。紅粉兩行齊俯首。前身我是杜司勳。

黃鶴樓修禊

帶甲滿地風雅久熄。丙寅上巳。亞農漢元兩君煮酒。禊飲於黃鶴樓。夫婦兄妹同入坐。拈韻分詩。堅約過。

江與會。卽席賦呈諸公。時大軍收京。捷書旁午。

頻年佳節悵天涯。未減匈奴何以家。今日春光戎馬裏。江城吹笛醉烟花。

長安似奕向風塵。談笑相逢海內親。漫捲詩書還縱酒。新江山對舊詞人。

坐中名士知多少。擊楫中流洵快哉。風景不殊君莫笑。爲君載酒過江來。

水滿汀洲草滿湖。鄂州樓上聽鶯呼。諸君痛飲莫辭醉。如此江山狂得無。

春江送別

閒。斲。香。輪。駐。馬。蹄。送。君。南。浦。正。鶯。啼。愁。心。似。此。春。江。水。只。向。

東。流。不。向。西。

儘日春陰黃鶴樓。美人東去海西頭。江潭折盡千條柳。不及桃花共水流。

送過長亭。又短亭。江頭烟柳雨冥冥。勸君快快登程去。早早歸來好踏青。

折柳曲

鸚鵡洲邊折柳枝。奈何無奈萬千絲。美人一去風光晚。啼亂黃鶯春不知。

水柳青青草滿堤。子規聲急盡情啼。門前萬里桃花水。送到江南又海西。

玉樹歌殘更漏寒。更從別後憶清歡。春江花月知多少。放下